

## **Mmogo le babohlale, tiholo ka moka, ee le sathane le mademone a gagwe ba obamelo Kgoši empsha ya go tswalwa**

Thero mo Mateo 2:1-12

*Palo ya Beibele: Numeri 22:21-39 & Numeri 24:17-19*

*Temanathero: Mateo 2:1-12*

### **Mmogo le babohlale, tiholo ka moka, ee le sathane le mademone a gagwe ba obamelo Kgoši empsha ya go tšwalwa**

Re badile ka history ya Bileama, sedupe go tšwa bohlabatšatši le ga e le gore o phedile mengwageng ye mentši pele ga Kerisimose, gabotse e be e le modirimmogo le babohlale bao re balago ka bona mo temaneng. Go be go na le didupe le baithuti ba dinaledi (astrologists). Diastrologists e be e le banna ba go ithuta ka dinaledi, gomme ba be ba direla ditumelo tša baheitene. Ba be ba šomiša tsebo ya bona ya dinaledi go hlaloša le go beakanya ditiragalo. Gabotse, bjalo ka ge kereke ya mathomo e re ruta, babohlale ba be ba direla mademone. Mademone ba be ba laelwa ka go obamela diswantšho mo maphelong a bantle. Gomme ka ge re tseba, mademone ka mo gongwe ba laelwa ke sathane.

Gomme bjale molaetša o botse wa temana ya rena ke gore pušo ya bona mo go batho e fihlile bofelong. Gobane mo temaneng ya rena babohlale, tšona didupe, ba khunama fase pele ga kgoši ye e sa tšwago go tswalwa, Jesu Kriste. Gomme ka bona, mademone le sathane ka boyena ba tliša hlomphe ya bona go Yena.

Gabotse, go a nyamiša gore lefelo leo kgoši ya dikgoši e bego e tlile go tšwalwa go lona lebele tšebega go tloga ka porofeto ya Mika, gomme le ge go le bjalo go tla ga gagwe go tsebagadišwe go batho ba bangwe ga go eo a ilego a go letela. Go a nyamiša gore Jerusalema a tsošwe ke bantle ba mo tšebisa ka ga tswalo ya kgoši ya bona. Modimo ga a kgetha motse wa Jerusalema lefelo la maemo a godimo gona mo, gore e be lefelo la go tšwalwa ga Morwa wa gagwe. Aowa, go diragetše mo motsaneng o monyane o sego kgole le Jerusalema. Jerusalema ga se a neele ka selo mo go tšwalweng ga gagwe, le ge e re gore go tla ga gagwe go tsebagadišwe mo motseng ka tsela ya bogoši. Babohlale go tšwa nageng ya kgole ba tlile ba tsebagatša seo. Ga re tšebe gabotse gore ba tšwa kae. Peresia? Babel? Araba? Mohlomongwe India? Mateo o tsebatša fela gore ke ba bohlabatšatši. Mateo ga a lebelele kudu mo ba tšwago gona. Moebangedi o lebeletše kudu go seo se diragetšego mo Jerusalema. Nako yeo babohlale ba bego ba šetše naledi ya go taga morago, tsela ya bona e tlile ka thoko ya Jerusalema. Mohlomongwe be be ba ipotša gore: gabotse, bjale re fihlile motseng mo kgoši empsha e swanetšego go tswalwa. Ba ile ba se lemoge gore naledi e ile ya fetela pele. Empa Modimo o ba šomišitše go tsebagatša bogoši ka ga tšwalo mo Jerusalema. E bile baromiwa ba bohlokwa ba Modimo.

Bjale se se a makatša. Gobane mo go batho ba gagwe Modimo o be a ganetša gore go be le batho ba bjalo ka ba. Re bala seo mo molaong wa Moshe (Deut 18). Babohlale, didupe bao ba lekago go ba le kgolagano le bahu, le lefase la mademone, ga ba swanelwa go ba gona mo bathong ba Modimo. Gobane ga go thuše selo. Modimo ka boyena o ile a tla go bona. O itsebagadišwe go ba Isiraele ka leleme la bona. Thato ya gagwe e be e le bonolo kudu. Bjale gobaneng, ge Modimo a ganeditše batho ba go Isiraele, gobaneng Modimo a ba šomiša bjale go tsebatša go tla ga Messiah? Re ka re Modimo o be a dira se go hlabiša batho ba gagwe dihlolong. Ba be ba swanetše go itokiša! Go tšwa mo mangwalong ba be ba swanetše go ka be ba tseba ka ga tšwalo ya Messiah, le gore lefelo lefe, neng. Empa gobane ba be ba fofetše se moyeng, Jerusalema ga a ka a lebelela ditiragalo tšeo. Le ka morago ga gore babohlale ba ba tsebiše.

Mo lebakeng la bobedi, kudu ka go šomiša banna ba, Modimo o be a laetša go buša ga gagwe lefase ka moka go mademone le go sathane ka boyena. Kereke ya pele e be e bitša temana ye

taba e botse ya tlhologo ya Modimo mo lefaseng la bo ramahlale. Morwa wa Modimo o fentše mebuso ka moka ya dinaledi le le faufau. Gomme o se le bale, gore bantle ba be ba obamela dinaledi le medingwana ya sebakeng. Gomme baEgipeta bona ba be ba obamela letšatši, mola baBabeloni ba obamela ngwedi. Gomme gabotse barongwa ba mademone Modimo bjale o a ba šomiša go tsebatša molaetša wa gagwe Jerusalema, le go obamelo Morwa wa gagwe.

Go re bula mahlo gore kgoši Heroda, ka pelaelo ya gagwe, a nagana ka pela ka ga tšwalo ya Messiah. Baperisita ba bagolo le baruti ba Bajuda ba be ba sa šomiše lentšu la Messiah pele. Ka go bitšwa ke Heroda, ba ile ba tla ka porofeto ya Mika. Lehono porofeto ye e le bega e ka ke e botse. Re bapetša le dipeakanyo ka moka tša Kerisimose. Empa matsatšing ao porofeto ye e be e le dihlong go Jerusalema. Modimo o tliša phološo, empa ga a hloke Jerusalema go dira bjalo. Ke porofeto ya dihlong mo go Jerusalema. Modimo o ikgethela motse wa Bethlehema.

Go leša dihlong gore dipoelo tša ketelo ya babohlale Jerusaleme e be e se selo. Kgoši Heroda ke yena yo a bego a theeditše kudu, le ga e le gore ga se a sepela le babohlale go ya Bethlehema. Gomme Bajuda ba be ba holofela gore Heroda a se ke a tuka bogale. Ba be ba sa gopole go sepelela thoko ya Bethlehema. Ke babohlale fela bao ba tšwetšego pele ka leeto. Gomme le ga e le gore ga se ba humane ngwana mo ntlong ya bogošo bja Bethlehema, ba be ba tseba gore ke lefelo la maleba. Gobane naledi le porofeto di ba tlisitše lefelong le. Ba be ba tlile go obamela kgoši, mola baetapele ba Bajuda ba se gona. Bjalo ka ge moEbangedi Johane a ngwadile: O tlile go batho ba gagwe, empa ga se bam o amogela (Johane 1.11).

History ya temana ya rena e feleletša ka ga temošo ya toro gore ba se boele morago go kgoši Heroda. Se se re biletša gore re lebelele ntwaga ya semoya yeo e diragalago mo. Kgoši Heroda o fetoga go ba mohlanka wa sathane, gore a tloše Morwa wa Modimo. Ye ke ntwaga magareng ga kgwenyapa le mosadi, bjalo ka ge Kutollo 12 e bolela. Empa Modimo ka boyena o a laola, gomme o re netefaletša polokego ya Morwa wa gagwe. gobane bjale o tšene mo mmušong wa leswiswi le lehu.

Re thomile mo mesong ye ka go bala history ya Bileama. Le yena e be e le sedupe motho yo a bego a ithuta le dinaledi. Gomme mo go Numeri re bone ntwaga magareng ga Modimo le Sathane. Sathane o be a leka go ka fediša batho ba Modimo ka go ba roga ka molomo wa Bileama, pele ba ka tsena lefaseng la tšhepišo. Empa Sathane ga se a tšwelela. Modimo o dirisitše Bileama, sebopsa sa mademone, gore a se roge, empa go šegofatša batho ba gagwe. Balaka, kgoši ya BaMidianite, o be a maketše. O be a sa hlaloganye seo se diregago. O ile a thopa sedupe se gore se roge, empa bjale ke tšhegofatšo!! Modimo o thibetše thogo, a e fetola gore e be tšhegofatšo. O neetše ka ga porofeto ya naledi ya go tla, go kgoši Jesu. Gomme bjale, babohlale, didupe, di obamela Morwa wa Modimo. Modimo o theoga gape go tsena gare mo lebakeng le bohlokwa. Gomme sathane o a kgorometšwa. A ka se kgone go dira selo gape. Sathane o swanetše go lebelela fela seo Modimo a tšwelago pele ka sona, le ka mo motlotšwa wa gagwe a tsenago lefaseng ka gona, mmušo wa sebe le lehu o fodiša le go bušetša.

Mo maemong molaetša wo wa Kerisimose. Modimo o šala e le yena a bušago. Gomme lehono, o laola maatla a sathane. Go feta mo – go be go le bjalo ka babohlale – o ba thopa bjalo ka batho ba gagwe go tsebatša mmušo wa gagwe. le ga e le gore kereke e ka ipona e le bokowa, le ge e le gore ga o bone kereke ya gago e le e kgolo e na le khuetšo, mo o dulago, o se le bale: o na le Modimo yo maatla ka moka mo go wena.

Amene.